

PENDARIES (Guillaume), notaire de Villemeur, minutes 1612-1613, Archives départementales de la Haute-Garonne, cote 3E 21764 f° 260 v°, PH/JCHR/9156

A colla(ti)on de l'hoiit de tali en faveur
de m(aîtr)e blaize berenguier pbre

L an mil six cens doutze et le sixiesme jour du moys
d'aoust appres midy dans villemeur et regnant louys et
par devant moy not(aire) e(t)()tesmoins bas nommes c'est presente
m(aîtr)e blaize berenguier pbre habitant de villemeur qui dressant
ses parolles a raymond debic marchant de la mesme
ville marguilier du bassin de purgatoire mendiant en
l'eglize dud(it) villemeur illec present luy a dit que l'hoiit
sivé chapelanie jadis fondé en l'eglize saint jean de la
mesme ville par defunct helie talou est vacquant puis
le jour d'hier a()cause du deces de m(aîtr)e geraud vare pbre
et obituair dud(it) obiit c'est pourquoy il prie et par
tant que besoing est requiert led(it) debic marguilier
comme vray patron et collateur d'icelluy pour les raisons
susd(ites) et ce faisant le mettre en la pcession actuelle d'icelluy
fruitz proffitz revenus et esmolumens, lequel susd(it) debic
de gre en tant q(u'i)l peult a acolé et conferé et par la
ten(e)ur de cest instrument acole et [con]fere aud(it) m(aîtr)e blaize
berenguier pbre le susd(it) obiit de taly au cas il seroit
vacquant et se f(er)e ce peult et a ces()fins a icelluy mis en
la pcession actuelle d'icelluy par le bail e(t)()tradi(ti)on de
la note du p(re)nt en ses mains fait lequel berenguier a
remercie led(it) debic et promis e(t)()jure la main mist sur
sa poitrine de bien et deument regir lad(ite) chapelanie servir
aux choses ordonnees par lad(ite) fonda(ti)on et neanmoings
requis a moy dit not(aire) de ce dessus luy retenir acte po(u)r luy servir
de tiltre cé qu ay fait ez presences de m(aîtr)es pie(rre) nicola[...]
docteur en droitz guill(aume) de lafont pbre e(t)()recteur de manianac et
de moy no(taire)

ii^c lxi

Immission de pcession de l'hoiit de
tali en faveur de m(aîtr)e blaize berenguier
pbre

L an mil six cens doutze et le septiesme jour du moys
d'aoust avant midy **aux faulx bourcz saint jean de villemeur
et dans le pathu ou souloit estre eodiffice l'eglize saint jean
joignant le cemitiere** pardevant m(aîtr)e blaize ramondon
pbre e(t)()recteur du lieu du born c'est presente m(aîtr)e blaize
berenguier pbre habitant de villemeur qui a dit avoir esté
duement pourveu de l'hoiit et chapelanie fondé par defunct
helie tali en la susd(ite) eglize saint jean de villemeur ainsy

q(u'i)l a faict aparoir de l'acte de colla(ti)on que luy en a esté faicte
par ramond debic marguilier du bassin de purgatoire mendiant
en l()eglize de lad(ite) ville comme vray et legitime patron d'icelluy
prins e(t)()retenu par moy not(aire) le jour d'hier de ten(e)ur *la()y
mis et ycy non inseré a()cause de briesfveté* requerant
par tant q(ue) besoing est led(it) ramondon pbre de le vouloir
mettre en reelle et corporelle pcession dud(it) obiit de tailly
fruitz profitz e(t)()revenus en deppendens sur()quoy led(it)
ramondon auroit offert de f(er)e son debvoir et a l()instant
faicte somma(ti)on aprisie du jour lieu et heure presens
avec sire michel richard marchant de vill(emur) anthoine vare
de grenade lesquels moyen(ant) serement preste aux saintz
evangiles ont dit et atteste que ce()jourduy est
septiesme jour d'aoust que nous sommes **sur le pathu ou
souloit estre bastie l'eglize saint jean de vill(emur)** et que
l heure de huit de matin est eschue ce que voyant
led(it) ramondon auroit prins led(it) berenguier par sa main
dextre et icelluy mis en pcession reelle actuelle et
corporelle dud(it) obiit fruitz proffitz revenus et esmolumens
d icelluy **par l()entree et yssue dud(it) pathu ny ayant**

aucung ediffie a()cause des guerres civiles et dans laquel[le]
souloient estre dittes et celebrees les messes ordonnees
par lad(ite) fonda(ti)on de quoy a la requi(siti)on dud(it) berenguier pbre
j'ay retenu le p(re)se)nt acte ez presences de michel richard
marchant de villemeur anthoine vare de grenade et de
moy not(air)e

B. Ramondon

Berenguier

Pendaries, no(taire)